

CARSKA GODIŠNJA DOBA

PROLJETNI CAR

GLAVA - osoba čiji je zodijački simbol ucrtan *na carevoj glavi* je veoma snažna ličnost sa veoma mnogo osobne sreće u hazardnom smislu. Takve osobe sviđaju se vladarima, upraviteljima, direktorima, svim uglednim osobama općenito i zbog toga se brzo uspinju karijerskim ljestvicama. Takvi ljudi sviđaju se i širim slojevima ljudi, ljudima u njihovoj životnoj i radnoj okolini, mnogi ih cijene i vrlo brzo postaju rukovodioci i vođe. Vrlo rijetko znaju za siromaštvo i vrlo dugo žive.



Kada se radi o ženi – uzmimo u obzir da je ovaj spis sačuvan u doba kada ženu nije očekivala nikakva karijera (prim.prev.) – ta žena ima sve uvjete da postane supruga slavnog čovjeka ili bogataša. Tome može da zasmeta samo njena zloba. Ako počne da maltretira i i intrigira u svojoj bližnjoj okolini, sreća će je napustiti.

RAME - osoba čiji je zodijački znak *na carevom ramenu* također je veoma sretna. Ona lako izbjegava opasnosti i nesrećama, mada tokom mladosti dosta trpi. Sa zrelošću ona dobiva potpunu sreću i bere plodove napora uložениh u mladosti. Ovakve osobe naklonjene su zemljoradničkom poslu i bilo kom drugom poslu koji je u vezi sa proizvodnjom nečega – ovdje također treba uzeti u obzir činjenicu da je spis pisan u drevno vrijeme



kada skala zanimanja nije bila toliko velika – mogu lako da se obogate te njihova stada konja, goveda i ovaca umnožavaju se. Te osobe imaju slabe veze sa roditeljima, braćom i sestrama. Ako je ta osoba ženskog spola, relativno lako stječe blagostanje. Vrlo često udaje se za čovjeka dosta starijeg od sebe.

RUKA - osobe čiji je znak *na carevoj ruci* od rođenja su vještih ruku. Njima je u zvijezdama zapisano da imaju šanse da postanu veliki umjetnici. Ovakve osobe ne samo da se često bave umjetnošću, već ih ne zaobilaze ni priznanja, okolina ih voli i obično su upadljivi u društvu. Ove osobe naklonjene su više nego ostale seksu i ako se suviše upuste u seksualne veze ne mogu da uspiju u životu. Ako sa uspjehom može da kontrolira svoje porive, uspinjat će se do najviših vrhova društvene ljestvice.



Žene rođene u ovom znaku, u proljeće, veoma vole glazbu i mogu da postanu veoma dobri glazbenici i čak da žive od toga. Ovakva žena ima šanse da se uda za poznatog umjetnika ili glazbenika i da prožive lijepe dane u zrelosti i starosti.

TRBUH - osobe čiji je zodijački simbol *na carevom trbuhu* imaju šanse da se obogate. Ove osobe veoma su pogodne za upravljanjem ljudima i organizaciju različitih poslova. Agresivne su i dinamične, ali i uvijek pune problema. Te probleme rješavaju, ali ih zamjene drugi. U braku, ma koliko bili u dobroj kombinaciji, ne mogu da ostvare potpunu harmoniju. U isticanju osobnosti svog karaktera često uspiju da pretjeraju, što može da im donese nesreću. Treba da se suzdržavaju.



Ženske osobe su obično dobrog karaktera, mile su i sviđaju se okolini. Mogu dobro da se udaju, ali im često u odnosima u porodici i društvu smeta škrtost. Škrtost treba da suzbijaju, jer će u protivnom izgubiti sreću.

BEDRA - osobe čiji je zodijački simbol *na carevim bedrima* – (prepone), sretne su i mogu da postignu uspjeh, ali su dosta neodlučne. Zbog alkohola i žena mogu da upropaste sebi život i zato treba da se suzdržavaju od užitka u porocima. Ako uspiju da se suzdrže, uz veliku pomoć žene koju trebaju da poštuju i cijene, postaju slavni i bogati.



Ženska osoba obično je stidljiva, otvoreno ne izražava osjećanja, a lijepo je građena i obično je lijepog lica. Ako je u braku sa čovjekom visokog položaja, može mnogo da mu pomogne u životu i da sa njim živi dugo i sretno.

KOLJENA - osobe čiji su zodijački simboli *na carevim koljenima* vrlo često mijenjaju mjesto stanovanja i posao. Do srednjih godina su, također, promjenjive sreće. Ako dovoljno ukazuju poštovanje roditeljima, sreća im dolazi sa srednjim godinama i zrelošću. Tada mogu da se obogate, postanu ugledni i da žive u harmoniji.



Ženska osoba ako je dobrog karaktera, može lijepo da se uda. Često ima probleme sa bolestima vezanim za dio tijela od bedara nadalje.

STOPALA - osobe čiji je zodijački simbol *na carevim stopalima* razdvajaju se brzo i brzo odlaze iz rodnog doma, te iz rodnog grada. U novom mjestu boravka brzo stječu prijatelje, a od tamošnjih uglednih ljudi brzo dobiju pomoć, te postaju i sami ugledni. U braku često ne uspijevaju iz prvog puta.



Ženske osobe od malena imaju problema i dosta trpe. Ako poštuju roditelje i bogove, mogu dobro da se udaju. (Ovim se završava spis „carska godišnja doba“ koji treba čitati kao tekst iz davnina koji nije prilagođavan modernom vremenu. Shodno tome, u njemu se mnogo manji prostor daje ženskim osobama, što je moderni kigaku inače ispravio.)

